

Elim deb, yurtim deb yonib yashash kerak!

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2013-yil 20-noyabr, chorshanba № 90 (15728)

ФОРУМ етакчиларни бирлаштиради

«Kamolot» loyihalari

Тошкент вилоятининг Бўстонлиқ туманида жойлашган «Камолот» ёшлар оромгоҳида Ҳаракатнинг корхона, ташкилот ва муассасалардаги бошланғич ташкилотлари етакчиларининг республика форуми яқунланди.



Сардор Муллажонов фотокўлажи

Олти кун давомида форумда қатнашган жами 140 нафар етакчи ёш учун бошланғич ташкилот фаолиятининг самарадорлиги ҳамда иштирокчиларнинг етакчилик салоҳиятини оширишга қаратилган маҳорат дарслари, амалий машғулотлар, тақдимот лойиҳалари, давра суҳбатлари, шунингдек, учрашувлар, интеллектуал ўйин ва спорт мусобақалари ташкил этилди.

Бугунги кунда қарийб олти миллион ёшни ўз сафида бирлаштирган «Камолот» ёшлар ижтимоий ҳаракати турли йўналишлардаги кенг қамровли фаолиятини бошланғич ташкилотлари орқали амалга оширади. Ҳаракат тизимида ўн беш мингдан ортиқ бошланғич ташкилот мавжуд. Улар барча таълим муассасалари, шунингдек, кўплаб корхона ва ташкилотларда тузилган.

Айни дамда меҳнат жамоаларида Ҳаракатнинг 3703 та бошланғич ташкилоти фаолият юритмоқда. Бу эса турли соҳаларда ишлаётган мамлакатимиз ёшларининг 315 минг нафарга яқини «Камолот»га аъзо деган гап. Табиийки, улар талаба ва ўқувчилардан тубдан фарқланади. Аввало, дунёқараш, қизиқиш доираси ҳамда интилишлари билан. Айтилик, муайян корхона ишчиси ёки ташкилот ходими бор қобилиятини, албатта, профессионал фаолиятига, яъни бажараётган ишининг сифатини ошириш ва шу орқали юқори иш унумдорлигига эришишга сарфлайди. Бу биринчи масала. Бироқ яхши меҳнатни қадрлаш, қобилиятли кадрлардан эса унумли фойдаланиш, асосийси, уларни муносиб рағбатлантириш керак. Айниқса, гап ёш мутахассислар ҳақида борганда. Мана шу ерда ёшлар ташкилотининг ўз ўрни ва фаол иштироки бўлмоғи даркор. Мазкур позиция бошланғич ташкилот етакчиси томонидан тўғри англагандагина, ёшлар Ҳаракатга талпина бошлайди, ташкилотнинг жамоадаги нуфузи ҳам юксалади.

Меҳнат жамоаларидаги фаол ва ташаббускор, илғор фикрлайдиган ва янгиликларга интилувчан, ўз вазифасига масъулият билан ёндашувчи фидойи ёшлар — «Камолот» ЁИХ етакчиларини аниқлаш, тажрибасини ўрганиш ҳамда рағбатлантириш мақсадида Ҳаракат томонидан ҳар йили «Энг намунали бошланғич ташкилот» республика кўрик-танлови ўтказиб келинади. Жорий йилда танловнинг ҳудудий босқичларида 840 нафарга яқин етакчи қатнашди. Танлов билан бир пайтда бошланғич ташкилотлар етакчилари учун ўқув семинарлари ҳам ташкил этилди. Бунда иштирокчилар Ҳаракат тизимидаги янгиликлар билан танишиб, бошланғич ташкилот ҳужжатларини юритиш, иш режа ҳамда янги лойиҳалар ишлаб чиқишга доир билимларини бойитдилар.

Айтиш керак, охириги йилларда «Камолот» ЁИХ тизимида куйи бўғинлар фаолияти самарадорлигини ошириш юзасидан қатор ўзгаришлар қилинди. Жумладан, жорий йилда «Камолот» ёшлар ижтимоий ҳаракати корхона, ташкилот ва муассасалардаги бошланғич ташкилотларининг янги низоми ҳамда ташкилий тузилмаси тасдиқланди. Шу аснода Ҳаракатнинг меҳнат жамоаларидаги бошланғич ташкилотлари фаолиятини яхшилаш, етакчи ва координаторларнинг мавқеини ошириш, энг намунали бошланғич ташкилотлар ва уларнинг етакчиларини рағбатлантиришга қаратилган механизм яратилди. Механизм жойларда ишляпти ҳам. Мана, масалан, ўтган йилдан бошлаб «Энг намунали бошланғич ташкилот» кўрик-танловининг финал босқичи «Камолот» ЁИХ корхона, ташкилот ва муассасалардаги бошланғич ташкилотлари етакчиларининг республика форуми доирасида ўтказилмоқда. Етакчилар форумининг ўзи эса Ҳаракат фаолиятидаги нисбатан янги тажрибадир. Шунга қарамай, у амалий жиҳатдан жуда фойдали ва самарали бўлиб чиқди. Бу йилги форум меҳнат жамоаларидаги бошланғич ташкилотлар етакчилари учун биринчиси бўлмаса-да, ўзига хослиги билан ажралиб туради.

Yoshlarga oid davlat siyosati — amalda

АНДИЖОНДА ЁШЛАР ФЕСТИВАЛИ

Андижонда «Камолот» ёшлар ижтимоий ҳаракати вилоят кенгаши ташаббуси билан олий ўқув юртлари ва касб-ҳунар коллежлари талаба-ўқувчилари иштирокида «Қадр-қимматим, таянчим ва ифтихоримсан, мустақил Ўзбекистон!» шиори остида фестиваль бўлиб ўтди.

Тадбир Андижон давлат тиббиёт институтида мамлакатимиз Конституцияси қабул қилинганининг 21 йиллигига бағишланган «Ўзбекистон Республикаси Конституцияси — мамлакат тараққиёти ва жамият фаровонлигининг ҳуқуқий кафолати» мавзусидаги илмий-амалий анжуман билан бошланди. Анжуманда Бош қомусимизнинг ҳаётимиздаги ўрни ва аҳамияти хусусида сўз юритилди.

Фестивалнинг иккинчи куни фуқаролик ишлари бўйича вилоят суди биносида ёшларни суд-ҳуқуқ, ижро этувчи тизимлар фаолияти

билан яқиндан таништириш, уларнинг ҳуқуқий билимини юксалтириш мақсадида давра суҳбати ўтказилди. Андижон қишлоқ хўжалиги институтида ёшлар ўртасида соғлом турмуш тарзини тарғиб этиш, улар орасида ОИВ/ОИТС, гиёҳвандлик, ичкиликбозлик, тамаки чекиш каби иллатларнинг олдини олишга қаратилган «Биз — соғлом турмуш тарзи тарафдоримиз» акцияси ташкил этилди. Акция давомида малакали мутахассислар, таниқли спортчилар иштирокида ўтказилган учрашувлар ёшларда катта таассурот қолдирди.

— Президентимиз раҳнамолигида ёшларга кўрсатилаётган улкан эътибор ва ғамжўрлик ўз самараларини бераётир, — дейди «Камолот» ЁИХ вилоят кенгаши раиси Нодирахон Абдурахмонова. — Фестиваль доирасида бир қатор тадбирлар, танлов ва спорт мусобақалари ўтказилди. Айниқса, Андижон давлат университетида «Соғлом авлод — келажак пойдевори» шиори остида бўлиб ўтган футбол, баскетбол ва волейбол мусобақалари ёшларда катта таассурот қолдирди.

Фестиваль тадбирлари таниқли санъаткорлар иштирокидаги ёшлар шоуси билан яқунланди.

Фестивалда Андижон вилояти ҳокими Ш.Абдурахмонов сўзга чиқди.

Ф.УБАЙДУЛЛАЕВ,
ЎЗА мухбири

(Давоми 5-саҳифада)

ЎЗБЕКИСТОН МАТБУОТИ ЖАМИЯТ ТАРАҚҚИЁТИГА ХИЗМАТ ҚИЛМОҚДА

Тошкентда 19 ноябрь куни Ўзбекистон матбуоти III Миллий форуми бўлиб ўтди

Фуқаролик жамияти институтлари тизимида оммавий ахборот воситаларининг роли ва ўрнини оширишга бағишланган ушбу анжуман Ўзбекистон Мустақил босма оммавий ахборот воситалари ва ахборот агентликларини қўллаб-қувватлаш ва ривожлантириш жамоат фонди томонидан Ўзбекистон Республикаси Олий Мажлиси Қонунчилик палатаси, Алоқа, ахборотлаштириш ва телекоммуникация технологиялари давлат қўмитаси, Ўзбекистон Матбуот ва ахборот агентлиги, Фуқаролик жамияти шаклланишини мониторинг қилиш мустақил институти, Журналистларни қайта тайёрлаш халқаро маркази, ЕХХТнинг Ўзбекистондаги лойиҳалари мувофиқлаштирувчиси, Миллий демократик институт (АҚШ), ЮНЕСКО, ЮНИСЕФ ваколатхоналари билан ҳамкорликда ташкил этилди.

Форумда Олий Мажлис Қонунчилик палатаси депутатлари, Сенати аъзолари, оммавий ахборот воситалари раҳбарлари, вазирлик ва идоралар ахборот хизматлари ходимлари, нодавлат нотижорат ташкилотлари ва фуқаролик жамиятининг бошқа институтлари, мамлакатимиздаги дипломатик корпус ва халқаро ташкилотлар вакиллари, олимлар, экспертлар қатнашди.

Ўзбекистон Республикаси Олий Мажлиси Қонунчилик палатаси Спикерининг ўринбосари У.Муҳаммадиев, Алоқа, ахборотлаштириш ва телекоммуникация технологиялари давлат қўмитаси раиси Х.Мирзохидов, Мустақил босма оммавий ахборот воситалари ва ахборот агентликларини қўллаб-қувватлаш ва ривожлантириш жамоат фонди директори А.Абдуллаев, ЮНЕСКОнинг мамлакатимиздаги ваколатхонаси раҳбари К.Пиккат, ЮНИСЕФ ваколатхонаси раҳбари Р.Фудерич ва бошқалар Президент Ислоҳ Каримов раҳнамолигида Ўзбекистонда оммавий ахборот воситаларини изчил ривожлантириш борасида амалга ошириладиган кенг қўламли ислохотлар юксак самаралар бераётганини алоҳида таъкидлади. Бу жараёнда соҳага оид иқтисодий ва ҳуқуқий кафолатларнинг яратилгани оммавий ахборот воситаларининг мамлакат тараққиётидаги ўрнини тобора мустаҳкамлаш, изчиллик билан амалга ошириладиган кенг қўламли ислохотларнинг маз-

мун-моҳиятини, янги жамият қуриш йўлида эришаётган ютуқларимизни холис ва ҳаққоний тарзда халқимизга етказишга хизмат қилмоқда.

Мамлакатимизда оммавий ахборот воситалари эркинлиги тамойиллари, цензура ва ахборот монополлашувини ман этиш, ахборот олиш, уни қайта ишлаш ва тарқатиш ҳуқуқи Ўзбекистон Республикаси Конституциясида мустаҳкамланган. Сўз ва оммавий ахборот воситалари эркинлигини амалга ошириш учун тегишли қонунчилик базаси шакллантирилган. Бу борада бир қатор қонунлар қабул қилинган. «Оммавий ахборот воситалари тўғрисида» (янги таҳрирда), «Ахборот олиш кафолатлари ва эркинлиги тўғрисида», «Ахборот эркинлиги принциплари ва кафолатлари тўғрисида», «Журналистлик фаолиятини ҳимоя қилиш тўғрисида» каби қонунлар шулар жумласидандир.

Истиқлол туфайли оммавий ахборот воситалари мустақил ва эркин ривожланмоқда. Агар 1991 йилда Ўзбекистонда 395 оммавий ахборот воситаси фаолият юритган бўлса, бугунги кунда улар 1367 тани ташкил этади. Сўнгги ўн йилда мустақил босма оммавий ахборот воситалари сони 2,5 баробардан кўпроқ ошди. Бу барча газета ва журналларнинг қарийб 62 фоизини ташкил этади, электрон оммавий ахборот воситаси эса 7 баробар кўпайди. Оммавий ахборот воситаси сифатида рўйхатга олинган қарийб 300 веб-сайт иш юритмоқда.

Ўзбекистонда медиа тузилмаларнинг эркин фаолият юритиши, соҳада фуқаролик институтлари ривожланишини таъминловчи кенг қўламли институционал ислохотлар амалга оширилди. Мустақил, ўзини ўзи таъминлайдиган, замонавий демократик талаб ва стандартларга жавоб берадиган медиа тузилмаларни шакллантириш жараёнини қўллаб-қувватлаш, уларнинг моддий-техника базаси ва кадрлар салоҳиятини мустаҳкамлашда Ўзбекистон Республикаси Олий Мажлиси ҳузуридаги Нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш жамоат фонди маблағларини бошқариш бўйича Парламент комиссияси, Ўзбекистон Мустақил босма оммавий ахборот воситалари ва ахборот агентликларини қўллаб-қувватлаш ва ривожлантириш жамоат фонди, Журналистларни қайта тайёрлаш халқаро маркази, ЕХХТнинг Ўзбекистондаги лойиҳалари мувофиқлаштирувчиси, Миллий демократик институт (АҚШ), ЮНЕСКО, ЮНИСЕФ ваколатхоналари билан ҳамкорликда ташкил этилди.

Истиқлол туфайли оммавий ахборот воситалари мустақил ва эркин ривожланмоқда. Агар 1991 йилда Ўзбекистонда 395 оммавий ахборот воситаси фаолият юритган бўлса, бугунги кунда улар 1367 тани ташкил этади. Сўнгги ўн йилда мустақил босма оммавий ахборот воситалари сони 2,5 баробардан кўпроқ ошди. Бу барча газета ва журналларнинг қарийб 62 фоизини ташкил этади, электрон оммавий ахборот воситаси эса 7 баробар кўпайди. Оммавий ахборот воситаси сифатида рўйхатга олинган қарийб 300 веб-сайт иш юритмоқда.

Фуқаролик жамияти институтлари тизимида оммавий ахборот воситаларининг роли ва ўрнини оширишга бағишланган ушбу анжуман Ўзбекистон Мустақил босма оммавий ахборот воситалари ва ахборот агентликларини қўллаб-қувватлаш ва ривожлантириш жамоат фонди, Журналистлар ижодий уюшмаси каби ташкилотлар муҳим аҳамият касб этмоқда. Ушбу ташкилотлар томонидан фуқаролик институтларини, шу жумладан, медиа тузилмаларни қўллаб-қувватлаш учун 2008-2012 йиллар давомида 27 миллиард сўмдан зиёд маблағ ажратилди.

Президентимиз Ислоҳ Каримов томонидан илгари сурилган Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепцияси ахборот соҳасини ислоҳ этиш, соҳага оид қонунчиликни янада такомиллаштириш, фуқароларнинг ахборот ва сўз эркинлигини таъминлаш, миллий медиа тизимини давр руҳига мос тарзда изчил ривожлантириш, соҳа учун мутахассислар тайёрлаш, қайта тайёрлаш, уларнинг малака ва маҳоратини оширишда муҳим босқични бошлаб берди.

Давлат ҳокимияти ва бошқаруви органлари фаолияти тўғрисида аҳолини хабардор қилишнинг очиклиги, транспарентлиги, маълумотларнинг ўз вақтида ва тўлиқ тақдим этилишини таъминлаш мақсадида барча давлат органларининг веб-сайтлари фаолият кўрсатмоқда. Жумладан, 2002 йилда «Uz» домен зонасидаги веб-сайтлар сони 587 донани ташкил этган бўлса, бугунги кунда 17 минггага етди, мингдан ортиқ хўжалик юритувчи субъект интернет хизмати кўрсатмоқда.

Медиа соҳада олиб борилатган кенг қўламли туб ўзгаришлар жараёнида электрон оммавий ахборот воситаларини янада ривожлантириш, улар фаолиятининг самарадорлигини ошириш масаласига алоҳида эътибор қаратилмоқда. Юртимизда интернет тизимидан фойдаланувчилар сафи жадал кенгайиб бормоқда. Ушбу глобал тармоқдан фойдаланувчилар айти пайтда 12 миллиондан ошди.

Фуқароларнинг ахборот соҳасидаги конституциявий ҳуқуқини янада кенгроқ таъминлаш, оммавий ахборот воситаларининг давлат ҳокимияти ва бошқаруви органлари билан ҳамкорлигини мустаҳкамлаш, мазкур органлар томонидан қабул қилинаётган

қарорлар сифатини ошириш борасидаги масъулиятини кучайтиришда «Давлат ҳокимияти ва бошқаруви органлари фаолиятининг очиклиги тўғрисида»ги қонун муҳим аҳамият касб этади. Президентимизнинг 2013 йил 20 мартда қабул қилинган фармойишига биноан шу йилнинг май ойидан бошлаб Бухоро ва Самарқанд вилоятларида «Давлат ҳокимияти ва бошқаруви органлари фаолиятининг очиклиги тўғрисида»ги қонун лойиҳасини синовдан ўтказиш бўйича ҳуқуқий тажриба ўтказилмоқда. Бу эса мазкур қонун лойиҳасини янада такомиллаштириш, унинг меъёрларини амалда қўллаш, давлат органларининг муҳим социал-иқтисодий, ижтимоий-сиёсий долзарб масалаларни ҳал этиш борасидаги фаолиятдан аҳолини хабардор қилишда оммавий ахборот воситалари, фуқаролик жамияти институтлари аҳамиятини кучайтириш учун янги имкониятлар очмоқда.

Қонун лойиҳаси синови ўтказилиши муносабати билан мазкур вилоятларда ахборотдан фойдаланувчиларнинг оғзаки ва ёзма сўровлари салмоқли даражада кўпайгани амалга оширилаётган тадбирлар самарадорлиги, фуқароларнинг давлат ҳокимияти ва бошқаруви органларига ишончи янада мустаҳкамланаётганига яққол мисол бўла олади. Жамоат ташкилотлари вакиллари, фуқаролар давлат ҳокимияти ва бошқаруви органлари фаолиятига оид ахборот олиш мақсадида мазкур давлат органларининг очик ҳайъат йигилишларида фаол иштирок этмоқда. Маҳаллий ҳокимият ва бошқарув органлари вакиллари фаолиятининг матбуот, теле, радиоканаллар орқали чиқишлари тобора фаоллашмоқда.

Экспертлар томонидан қайд этилганидек, ҳуқуқий эксперимент давомида нафақат бевосита ҳуқуқий меъёрлар билан тартибга солинадиган ижтимоий муносабатларга, балки журналистлар фаолияти соҳасининг ўзини ўзи тартибга солиш тамойиллари — касб этикаси кодекслари, ўзаро ишонч тамойилларига асосланган қоида ва меъёрлар билан мувофиқлаштириладиган муносабатларга оид қисми ҳам синовдан ўтказилиши алоҳида аҳамият касб этмоқда.

— Ўзбекистонда матбуот со-

ҳасини ривожлантириш, унинг эркин, ошқора ва самарали фаолият кўрсатиши учун жаҳон андозалари даражасида шароит яратилган, — дейди ЕХХТнинг Ўзбекистондаги лойиҳалари мувофиқлаштирувчиси Дьердь Сабо. — Мамлакатимизда давлат ҳокимияти ва бошқаруви органлари фаолиятининг очиклигини таъминлашга оид лойиҳа жамоатчилик, иқтисодий ва ижтимоий йўналишлар бўйича босқичма-босқич амалга оширилмоқда. Журналистлар ҳуқуқ ва эркинликларини ишончли ҳимоя қилиш учун барча қонуний асослар яратилган. Ушбу соҳада ташкилотимиз Ўзбекистон билан ҳамкорликда қатор лойиҳаларни амалга ошириб келмоқда.

— Фуқаролик жамияти институтлари тизимида оммавий ахборот воситаларининг роли ва аҳамиятини оширишга бағишланган мазкур миллий форумда иштирок этганимдан мамнунман, — дейди америкалик эксперт Ллойд Халверсон. — Анжуманда маҳаллий ўзини ўзи бошқариш органларининг оммавий ахборот воситалари билан ўзаро ҳамкорлиги оид маърузам билан иштирок этдим. Ўзбекистонда оммавий ахборот воситаларини ривожлантириш, унинг эркин, ошқора ва самарали фаолият кўрсатиши учун кенг шароитлар яратилганига гувоҳ бўлдим.

Форум иштирокчилари демократик ислохотлар очиклиги ва транспарентлигини таъминлашда оммавий ахборот воситалари, давлат ҳокимияти ва бошқаруви органларининг ўзаро ҳамкорлиги, ижтимоий аҳамиятга молик масалаларни илгари суришда оммавий ахборот воситалари фаолиятини ошириш, журналистларнинг касб ва одоб мезонлари каби масалаларни атрофлича муҳокама қилди.

Тадбир доирасида Ўзбекистон Мустақил босма оммавий ахборот воситалари ва ахборот агентликларини қўллаб-қувватлаш ва ривожлантириш жамоат фонди ҳамда Матбуот ва ахборот агентлиги томонидан ташкил этилган «Эътироф» ижодий кўрик-танлови голибларига диплом ва совғалар топширилди.

Назкат УСМОНОВА,
Нодира МАНЗУРОВА,
ЎЗА мухбирлари

Барқарор дўстлик ва ҳамжиҳатлик

Тошкент ислом университетида 16 ноябрь — Халқаро бағрикенглик кунига бағишланган илмий-амалий семинар бўлиб ўтди. Вазирлар Маҳкамаси ҳузуридаги Дин ишлари бўйича қўмита ва Тошкент ислом университети ҳамда Республика байналмилал маданият маркази ҳамкорлигида ўтказилган мазкур семинар «Бағрикенглик — тинчлик ва барқарорлик кафолати» деб номланди. Унда диний ташкилотлар раҳбарлари, Ўзбекистондаги хорижий давлатларнинг дипломатик корпус вакиллари, университет ўқитувчи ва талабалари иштирок этди.

Семинарда Ўзбекистонда фуқароларнинг виждон ва диний эркинлиги борасидаги конституцион ҳуқуқлари-

ни таъминлаш, жамиятда диний бағрикенглик ва динлараро дўстлик-ҳамкорликни мустаҳкамлашга алоҳида

эътибор қаратиладигани таъкидланди. Шу ўринда Ўзбекистон халқининг диний бағрикенглик ғояларига содиқ эканлигининг яққол ифодаси сифатида динлараро дўстлик ва ҳамкорликни ривожлантиришга қаратилган кенг қамровли ишлар амалга оширилганини таъкидлаш жоиз. Жумладан, Имом Бухорий халқаро маркази, Тошкент ислом университети, Ўзбекистон мусулмонлари идорасига қарашли диний таълим муассасалари, православ ва протестант семинарияларида диний бағрикенгликни тарғиб этувчи турли тадбирлар мунтазам ўтказилмоқда.

Тадбирда таъкидланганидек, мамлакатимизда барча диний ташкилот ва

конфессиялар вакиллари фаолияти учун бир хил ва қулай имкониятлар мавжуд. Уларнинг ҳуқуқ ва эркинликлари Конституцияда кафолатланган.

— Бугун юртимизда диндорларнинг эмин-эркин ибодат амалларини бажаришлари учун барча шароитлар яратилган, — дейди Тошкент ислом университети маънавият ва маърифат бўлими бошлиғи Зоиржон Рўзиев.

Тадбирда диннинг асл инсонпарварлик моҳияти, уни ёшларга тўғри англатиш лозимлиги, динлар ва конфессиялараро ҳамжиҳатликни янада мустаҳкамлаш борасида амалга ошириладиган эзгу ишлар ҳақида ҳам сўз борди.

Жавоҳир КАРОМАТОВ,
«Turkiston» мухбири



Bolalar sporti



Ақл машқида ўқувчи-ёшлар

Қизириқ қишлоқ хўжалиги ва сервис касб-ҳунар коллежида шахмат мусобақаси ўтказилди. Унда Сурхон воҳасидаги барча умумтаълим мактабларидан келган юз нафардан ортиқ ёш шахматчилар дона суришди.

Бундай турнирлар ўқувчи-ёшларнинг шахматга бўлган қизиқишини ошириш билан бирга, вилоят, республика ва халқаро мусобақаларда қатнашадиган ёш шахматчиларни аниқлаб бермоқда. Бу каби мусобақаларнинг доимий тарзда ўтказилиши шахматсевар ёшлар сонини оширмоқда. Ушбу турнирда беш-олти ёшдаги жажжи қизалоқлар ҳам иштирок этаётгани барчани қувонтирди. Масалан, Муаттар Жўраева беш ёшда. У шахмат ўйинини отасидан ўрганган. Оилавий шахмат ўйинларида эса опаларини мот

қилиб туради. Мусобақада Денов туманидаги 75-мактаб ўқувчиси Раъно Абдухолиқова ҳам фаол иштирок этди.

— Шахмат бўйича Ўзбекистон, Осиё чемпионатида қатнашиб, фахрли ўринларни қўлга киритиб келаяпман, — дейди Раъно. — Яқинда Шри-Ланкада бўлиб ўтган халқаро турнирда тўртинчи ўринни қўлга киритдим. У ерда Россия, Хиндистон ва бошқа давлатлардан келган тенгдошларим билан куч сынашиб, дўстлар орттирдим. Келажакда халқаро мусобақаларда Ўзбекистонимиз шаънини муно-

сиб ҳимоя қилиб, жаҳонга машҳур шахмат усталари қаторидан жой эгаллаш ниятидаман.

Ўтказилаётган бу каби тадбирлар кўплаб иқтидор эгаларини кашф этмоқда. Қолаверса, шахматнинг оммавийлигини ошириб, ёшларнинг бўш вақтларини мазмунли ўтказишга хизмат қилмоқда.

Тадбир сўнгида ғолиб ва совриндорлар аниқланиб, ташкилотчилар ва ҳомийлар томонидан муносиб тақдирланди.

Наргиза
РАҲМАТУЛЛАЕВА,
«Turkiston» мухбири

Adabiy mutolaa kunlari

Бу завқни қаердан топасиз?..

Тошкент вилояти «Турон» ахборот-кутубхона маркази ва Ўзбекистон Ёзувчилар уюшмаси вилоят бўлими ҳамкорлигида ҳафтанинг ҳар шанба кунлари «Адабий мутолаа кунлари» ўтказилмоқда.

Ўқув залида йиғилган «Онажоним — шеърият» тўғрагининг аъзолари зиё маскани китоб фондидаги янги адабиётлар билан танишаркан, бу ерда маърифий тадбирлар ўтказишда ҳам бош-қош бўляпти. Улар ўтказиётган тадбирларда китобхонлар ҳам фаол иштирок этишяпти.

— Китоб ўқишга иштиёқим баланд. Янги китоблар, газета ва журналларнинг янги сонлари билан танишишни яхши кўраман. Бу маърифат маскани менга жуда ёқади, — дейди сурхондарёлик китобхон Нилуфар Шоймардонова. — Сабаби, қисқа муддатга меҳмонга келсам ҳам бу масканга кирмай кетмайман. Энг қизиғи, доим мушоиранинг устидан чиқаман.

Устозларимиз «Ижод қилиш — фақат ёзиш эмас, балки мутолаадир», дейишади. Бу фикр ижодсевар тенгдошларимиз учун дастуриламал бўлаётир.

Мазкур тадбир доирасида «Ўзбекинаво» эстрада бирлашмаси ҳамда Ўзбекистон Ёзувчилар уюшмаси ҳамкорлигида чоп этилган «Созимда Ватан васфи» деб номланган тўпламнинг тақдироти ҳам ўтказилди.

— Бу тўпламга ўттиз нафарга яқин ёш қаламкашнинг она юрт, ота-она, миллий қадриятлар, меҳр-оқибат, муҳаббат ва садоқат, қолаверса, ҳарбий ватанпарварлик руҳидаги шеърлари киритилган, — дейди Ўзбекистон Ёзувчилар уюшмаси ёшлар билан ишлаш бўлими ходими, тўпловчи ва нашрга тайёрловчи Шавкат Одилжон.

— Китоб дизайни ҳам бугунги кун матбаачилиги талабларига тўла жавоб беради. Албатта, бу мўъжаз китоб шеърият ихлосмандлари учун ўзига хос совға бўлади.

Ижодқорни ўз устида ишлашида, малакасини оширишида китоб мутолаасининг аҳамияти катта. Шу мақсад билан «Турон» кутубхонасида йиғилган ёш ижодкорлар тадбирни «Ватаним, деб сени уйғондим» номли мушоира билан якунладилар.

Гулҳаё МАЪРУФОВА,
Тошкент вилояти
педагогика коллежи ўқувчиси

XXI аср одамфурушлари

Виждонли киши ҳеч қачон, ҳатто энг қийин вазиятларда ҳам тўғри йўлдан адашмайди. Аммо пул ва молдунё учун нопок ишларга қўл урганларга муносиб жазо муқаррардир.

Салкам чорак аср яшаган инсон ҳаётнинг паст-баландини тушунади, оқ-қорани фарқлайди, албатта. Пойтахтимизнинг Шайхонтоҳур туманида истиқомат қилувчи Шухрат Хусанов қинғир ишга қўл урганни, шубҳасиз, яхши биларди. Бироқ нафс кутқуси уни энг оғир жиноятлардан бири — одам савдоси билан шуғулланишга етаклади. У алдов йўли билан қизларнинг ишончига кириб, уларга Туркияда иш таклиф қиларди. Табиийки, бунинг учун мўмай пул тўланишини алоҳида қистириб ўтарди. Қизларни Истанбулга олиб келгач, уларни — ўз ватандошларини худди буюмдек жинойий гуруҳ аъзолари қўлига «топширарди». Туркияда қизлар фоҳишалик қилишга мажбур этилган.

Қинғир ишнинг қийиғи қирқ йилда ҳам чиқади, дейишади. Ш.Хусановнинг «тирик товарлар»ни пуллашга қаратилган навбатдаги ҳийласи фош бўлди, унинг ўзи эса қилмишига яраша муқаррар жазога ҳукм этилди.

2012 йил июнда «Чилонзор буюм бозори»нинг олдида Ш.Хусанов навбатдаги «ўлжаси» — Феруза Носирова (1978 йилда туғилган) ҳамда Муножот Каримова (1982 йилда туғилган) билан танишиб қолади. Икки қизни «тўрга илинтириш» қийин кечмади. Ш.Хусанов қизларни гўёки опаси Туркияда адвокатлик идорасида ишлашига ишонтирган. Агар опасининг олдига боришса, улар энагалик қилиб мўмай маош олишлари мумкинлигини уқтирган. Ойига 600 АҚШ долларидан пул топиш мумкинлиги ҳақида эшитгач, қизлар дарҳол таклифни қабул қилишди.

«Унда ҳужжатларингизни тайёрлаб, чиптага пул топиб туринглар», — дея тайинлаган ҳолда Ш.Хусанов қизлар билан яна қачон, қаерда учрашишни келишиб олди. Бир неча кундан кейин эса қизлар фирибгарга паспортлари ҳамда самолёт учун чипта пулини — 1 миллион 680 минг сўмдан олиб келиб беришди.

Келишилган куни ҳаммалари «Тошкент» халқаро аэропортида учрашиб, Туркияга учиди. Истанбулда «Гранд орол» меҳмонхонасига жойлашишди. Режага мувофиқ, аэропортда қизларни Ш.Хусановнинг «опаси» кутиб олиши керак эди. Бироқ у негадир келмади. Ш.Хусанов аввалига тажанг бўлиб турди-ю, бирпас туриб қайтаман, деганича хонадан чиқиб кетди.

Кейин меҳмонхона номерига бегона аёл кириб келди, у ўзини Мадина деб таништирди ва қизларни уйига олиб кетмоқчи эканини айтди. Дугоналар Ш.Хусановсиз ҳеч қаерга бормасликларини айтишди. Шунга қарамай, Мадина қизларни тезда кўндирди, устига-устак кўчада уларни такси ҳам кутиб турарди.

Йўл-йўлакай машинада қизиқ суҳбат бўлиб ўтди. Мадина қизлардан

Туркияга нима мақсадда келишганини сўради. Қизлар Истанбулда энага бўлиб ишлашга келишгани, Шухрат уларни ишга жойлаштиришга ваъда берганини айтишди. Мадина эса бу ерда бундай иш йўқлигини кескин оҳангда таъкидлади.

Манзилдаги квартирага етиб келгачгина қизлар аслида кимга «энагалик» қилишлари кераклигини тушуниб етишди. Маълум бўлишича, квартирани Мадина ижарага олган экан. Унинг асосий вазифаси эса янги қизларни топиб, уларни шу ерга олиб келиш, эркак мижозлар билан таништириш ҳамда хизмат ҳақини қуртдай санаб олишдан иборат бўлган. Бошқача айтганда, у қўшмачилик билан шуғулланарди. Бу ишда унга Шухрат Хусанов ва унинг рафиқаси Зулфия ёрдам беришган.

Кетишга чоғланар экан, Мадина тезда бир турк, яъни эркак билан қайтиб келишини, қизларга эса «меҳмон»нинг кўнглини овлашлари лозимлигини таъкидлади. Кўп ўтмай у мижозни бошлаб келди. Эркак қизларга спиртли ичимлик таклиф қилди, бироқ қизлар рад этишди. «Истамасангиз — майли». Қизлар сув, яхна ичимликлар қуйиб беришди. Кейин Мадина қизларга ишга киришиш фурсати етганини ишора қилди: энди мижознинг кўнглини овлаш керак! Қизлар қатъий бўйин товлаганини кўриб Мадинанинг фиғони фалакка чиқди, жанжал кўтариб, уларни катта пулга сотиб олганини, энди барча харажатларни қоплашлари кераклигини шарт қилиб қўйди. Ўша заҳотиёқ Феруза ва Муножот жон-жаҳдлари билан дераза томонга талпинишди ва ёрдам сўраб бақира бошлашди. Мадина чалғиган пайтда қизлар кваттирандан базўр чиқиб олишди-ю, меҳмонхонага қайтиб келишди. Аммо шу аснода қизларнинг бири хушидан кетди (маълум бўлишича, ичимликка қандайдир дори аралаштирилган экан). Дугонаси ўзини йўқотиб қўймади, дарҳол Ўзбекистондаги акасига SMS орқали хабар юборди...

Ҳийласи ўтмаганини англаган Ш.Хусанов қинғир ишининг нохуш оқибатларидан қочишга уриниб, қизларнинг юртимизга қайтишига, ҳар ҳолда, ёрдам берди. Аммо у жазодан қочиб қутулолмади.

2013 йил январда Ш.Хусанов устидан суд бўлиб ўтди. Тошкент шаҳар жинойий ишлар бўйича Чилонзор туман суди уни Ўзбекистон Республикаси Жиноят кодексининг бир нечта моддаси бўйича, жумладан, одам савдоси билан шуғуллангани ва жинойий уюшма ташкил этгани учун айбдор деб топди. Энди у саккиз ярим йиллик умрини қамоқда ўтказадиган бўлди.

Афсуски, орамизда нафси ҳақалак отиб, моддий манфаат учун алдову гуноҳдан тап тортмайдиган кимсалар ҳали ҳам учрайди. Эҳтимол, фаросатсизлиги ва калтабинлиги уларни ана шу йўлга бошлагандир.

Унутмангки, ақл билан иш тутмасангиз, дуч келган одам сизни чув тушириши ҳеч гап эмас. Худди Ф.Носирова ва М.Каримовага ўхшаб алданиб қолманг. Огоҳ бўлинг!

Yoshlar festivali davom etadi

Ҳар галгидан ўзгача!

Қорақалпоғистон Республикасида «Биз буюк юрт фарзандларимиз!» шиори остида ёшлар фестивали бўлиб ўтди

Самолёт Нукус халқаро аэропортига кўнапти. Ойнадан ташқарига мўраладим. Қарасам, ҳув узокроқда одамлар йирилган, миллий либосдаги қизлар гуллар кўтарган, созандалар куй чалапти.

— Эҳ-ҳе, шунча ҳурмат-иззат бизгами ё бошқа бирон шодиёна бўлаётимиз?! — дедим ҳайратим ичимга сизгамай, ёнимдаги шеригимга.

— Бу ерга биринчи келишингизми дейман? — деди у.

Мен жилмайиб қўйдим: «Йўқ, ўзим шу эл фарзандиман-ку!»

— Ахир, юртимизнинг ҳар гўшасида хурсандчилик кунлари, байрамлар тўйдек ўтади. Тўйда эса меҳмонни отасидек сийлайди юртдошларимиз. Шунинг учун бу меҳмондўстликка ажабланманг, — деди у ҳам жилмайиб.

Шундай қилиб, «Камолот» ЁИХ Марказий Кенгаши ходимлари, Ҳаракатнинг тарғибот гуруҳи аъзолари ҳамда санъаткорлар самолётдан ўзгача ҳаяжон, хурсандчилик билан тушди. Мусиқа садолари остида бизга тугилган иссиқ нонни ушатди.

Сўнгра Нукусдаги И.В.Савицкий номидаги давлат музейида бўлди. Музейда юртнинг ўтмиши, бугуни ва келажаги ҳақида тасаввурга эга бўлди. Миллий либослар кўргазмаси ўтказилди.

— Бу Нукуснинг юраги — Мустақиллик майдони, — дея автобусдаги жимликни бузди «Камолот» ЁИХ Қорақалпоғистон Республикаси кенгаши раиси Жолдас Абдижамиллов. — Шу йил бунёд этилди. Мана бу, тўғридаги эса «Бахт уйи», Акварпарк...

Ҳа, шаҳар келинчақлардай безанибди, чиройли, улкан, янги бинолар қад ростлабди. Шундай гўзалликни кўрсанг, кўнглинг тоғдек кўтарилади. Ҳаммамиз жонланиб кетди, хушқайфиятда шаҳарни томоша қилдик.

Кеча ҳаво салқин эди. Фестивалнинг биринчи кунини — бугун анча илиқ. Эрталабдан ҳаммамиз ёшлар фестивалини ўтказгани Эллиққалъага йўл олдик.

— Ҳаво анча яхши, — дедим ёнимдаги шеригимга. Иккаламиз қадимий Эллиққалъадаги тарихий ёдгорликлар — Тупроққалъа, Қирққизқалъа ва Қўйқирилганқалъа ҳақида тўлиб-тошиб сўхбатлашиб бордик.

Автобусимиз тумандаги Бўстон академик лицейида тўхтади. У ерда ўқувчилар бизни ўзбек, қорақалпоқ, инглиз, француз, рус тилларидаги ажойиб шеърлар билан қарши олишди. Кейин тумандаги ёш рассомларнинг кўргазмаси бошланди. Ундаги «Ватаним ва мен», «Олтин балиқча», «Тилак» каби бир-бириндан гўзал асарлар кўпчилигининг диққат марказида бўлди. Шунда «Қишлоғим — ватаним» деб номланган расм муаллифи, Бўстон академик лицейи ўқувчиси Ойсара Жамалиддиновадан қизиқиб сўрадим:

— Нега расм чизишга қизиқсан?

— Шундай гўзалликни кўриб

туриб ижод қилмаслик, расм чизишга қизиқмаслик асло мумкин эмас, — деди у...

... Шундай, ёшлар гўзалликни чуқур ҳис қилади. Бу гўзалликлардан эса яна гўзалликлар яратишади.

Кўргазмадан сўнг «Биз соғлом турмуш тарзи тарафдоримиз!» лойиҳаси асосида футбол, баскетбол, волейбол, теннис ва стол тенниси бўйича мусобақалар ўтказилди. Волейбол бўйича коллеж ўқувчилари ўртасида ўтказилган беллашувда Эллиққалъа санъат коллежи ўқувчилари ғолиб бўлди.

Кўнғирот тиббиёт коллежида ўтказилаётган «Сиз севган қаҳрамонлар» ва «Замонамиз қаҳрамонлари» лойиҳаси асосидаги ижодий учрашувга бордик. У ерда туман ёшлари санъаткорлар билан сўхбатлашаётган экан...

Биз 10-болалар мусиқа ва санъат мактабида бўлиб, «Иқтидор эгаси — обод юрт эртаси» тадбирлар ёшларнинг қўлга киритган ютуқлари ҳақидаги кўргазмада қатнашдик.

Ҳар йили Ҳаракат томонидан ушбу ёшлар фестивалининг якуний шодиёнаси фақат Нукусда бўларди. Бошқа туманларда эса кичикроқ ўтарди, бу йилгидек бўлмасди. Демак, бу галги фестивал ўзгача, байрамни Қорақалпоғистоннинг ҳар бир нуқтасида тантанали нишонлашмоқда.

Эртасига Нукус туманида меҳмон бўлди. Тумандаги 15-болалар мусиқа ва санъат мактабида ёшларнинг қўлга киритаётган ютуқлари билан танишдик.

«Ҳеч ким меҳр ва эътибордан четда қолмасин!» лойиҳасида кам таъминланган оилаларга туман ҳокимлиги, тарғибот гуруҳи аъзолари томонидан фестиваль совғалари топширилди.

Нукус тумани билан Тахтақўпир ораси автобусда икки соатлик йўл. Шу икки соатда зерикмаслик учун «Ойдинлар», «Қора кўз» кўшиқларини куйладик. Ҳайдовчи ака эса «Тахтақўпирим» кўшигини куйлади. Хушқайфиятда туманга кириб бордик.

У ерда «Сиз севган қаҳрамонлар» ва «Замонамиз қаҳрамонлари» лойиҳасида иштирок этдик, ёшларнинг ижодий ишлари билан танишдик.

— Шеър ёзишга иштиёқим зўр. «Гулим», «Ватан туйғуси» тўпламларим чоп этилган. Ҳозир «Янги авлод» болалар ижодиёти фестивалида қатнашяпман, — дейди тумандаги 7-мактаб ўқувчиси Дилора Узокберганаева.

Тўртқўлда эса «Истиқлол истеъдодлари» лойиҳаси доирасида туман ҳокими ўринбосари, туман хотин-қизлар қўмитаси раиси Ҳабиба Убайдуллаева билан учрашув ўтказилаётган экан. У ёшлар саволларига жавоб берди, талаб-таклифларни эшитди. Сўнгра санъаткорлар ёшларга ўзларининг болалик йиллари ҳамда ижодий фаолиятидаги қизиқарли воқеалар ҳақида гапириб беришди...

— Хўжайлини кўрмабсиз, бу дунёга келмабсиз. Мен иш билан туманда икки йил олдин бўлгандим. Ушанда «Миздалхон», «Жўмард қассоб» зиёратгоҳига борганман, — дея фестиваль ҳақидаги ўйларимни бўлди Ҳаракат фаоли Клара Худойберганаева.

— Шунақа денг, — дедим Хўжайли ҳақида анча-мунча нарсани билсам ҳам, буни билдирмай. У киши йўл бўйи бир пайтлар туманда кўрган-билганларини айтиб келди.

Биз Хўжайлидаги Меҳрибонлик уйига келдик, шароитлар билан танишдик, ажойиб куй-қўшиқларни эшитиб, мириқиб дам олдик.

Хўжайли педагогика коллежида «Президент асарлари билимдони» танлови ўтказилди. Иштирокчилар эркин сўхбат, Президент асарлари бўйича тест сновларидан ўтишди. Энг фаоллари эса тақдирланди.

Худди шу пайт фестиваль тадбирлари Шуманайда ҳам ўтказилаётганидан хабар топдик.

Шуманай тумани ёшлари «Сиз севган қаҳрамонлар» ва «Замонамиз қаҳрамонлари» лойиҳасини ўтказишди. Унда улар актриса Саида Саидбекова билан учрашишди. Шунингдек, фестиваль доирасида «Билимдонлар» интеллектуал ўйини ташкиллаштирилди.

Чимбойликлар эса «Депутат ва ёшлар» лойиҳасини ўтказишди. Бундан ташқари, тумандаги 1-болалар ва ўсмирлар спорт мактабида самбо бўйича Чимбой тумани биринчилиги ҳам бўлиб ўтди.

Мана шундай байрам, тантана, тўйларни кўрганда инсон онадан қайта туғилгандек бўлар экан. Чунки хурсандчилик ташвишларни емиради, қалбдаги кўп ғуборларни кетказди. Икки кун фестивалнинг барча қатнашчиларига шундай лаҳзаларни инъом этди.

«Камолот» ЁИХ Қорақалпоғистон Республикаси кенгаши томонидан ўтказилаётган «Биз буюк юрт фарзандларимиз!» шиори остидаги ёшлар фестивалининг охириги кунини.

Нукус. Соат 10:00.

Нукусдаги Республика 4-бадий гимнастика бўйича ихтисослаштирилган болалар ва ўсмирлар спорт мактабида «Камолот» ғунчалари» шиори остида бадий гимнастика бўйича 2001, 2002 ва 2003 йилларда туғилган қизлар ўртасида мусобақа бўлди. Унда биринчи ўринни Алина Ким, иккинчи ўринни Лиана Қутлимуродова эгаллади.

Соат 12:00.

Нукусда «Камолот» ёшлар ижтимоий ҳаракати Нукус шаҳар кенгаши раиси Мийрат Қосимов, Нукус шаҳар ҳокими ўринбосари Низоматдин Муяйтинов ёшларнинг саволларига жавоб берди. Учрашувда Қорақалпоқ давлат университети қошидаги 1-академик лицейи ўқувчиси Шаҳзода Бозорбоева шаҳар ҳудудида чиқинди соладиган махсус қутилар ўрнатилиши керак, деган таклифни билдирди. Бу таклиф



қўллаб-қувватланди.

Қорақалпоқ давлат университетида «Тенгдош тенгдошга» лойиҳаси асосида «Экология ва ёшлар», «Оммавий маданият» ва ёшлар маънавияти» мавзуда тарғибот соати ўтказилди. Бунда талабалар «оммавий маданият» ва айрим оммавий ахборот воситалари орқали тарқатилаётган ахборотларнинг салбий жиҳатлари ҳақида гаплашишди. Бу сўхбат эса «Билим-ринг», «Камолот» кўчма кубоги учун интеллектуал ўйинга уланиб кетди.

— Ҳозир биз ўзимиз севган қаҳрамонлар билан учрашяпмиз, — дейди Нукус шаҳридаги «Прогресс» тил ўрганиш ва ривожлантириш маркази ўқувчиси Мерхан Болтабоева. — Мен уларга ўзимни қизиқтирган саволларимни берайпман. Санъат ва унинг қирраларини ўрганаёпман...

Ҳа, бу қирраларда интилиш, тинимсиз меҳнат ҳамда ҳаракат мужассам. Буни Мерханга ўхшаган ҳар бир тенгдошимиз тушунади ва ўзига ибратли сабоқ олади.

Соат 18:00. Бердақ номидаги мусиқали драма театри саҳнаси.

Йил давомида «Камолот» ёшлар ижтимоий ҳаракати фаолиятида фаоллик кўрсатган тенгдошларимизни тақдирлаш маросими бўлиб ўтди. Қорақалпоғистон телерадиокомпаниясининг «Дам олиш» дастурлари муҳаррири Айнура Болтабоева ва унга ўхшаган кўпга ёшлар ҳаракатига яраша муносиб рағбатлантирилди.

Фестиваль дилрабо қўшиқ ва рақслар билан якунланди.

Қумар БЕГНИЯЗОВА,
«Turkiston» муҳбири

ФОРУМ

етақчиларни бирлаштирди

(Давоми, аввали
1-саҳифада)

Лидер низога бормаиди

Форумдаги дастлабки ўзига хослик дастурга биринчи маротаба етакчилар учун маҳорат дарсларининг киритилганида бўлди. Одатда, ўқув машғулоти ёки семинар-тренингларга тегишли соҳалардаги тажрибали мутахассислар тренер сифатида таклиф қилинади ва машғулоти олиб боради. Улар мавзу бўйича ўз билими билан бўлиши, янги маълумотларни етказиши мумкин. Аммо етакчи мутахассислардан тажриба ўрганиш бошқа масала. Бу сафар форум иштирокчиларига шундай имконият яратилди. Улар замонавий етакчи имижини ва қиёфасини яратиш, ёшлар психологияси, лойиҳалар ишлаб чиқиш ҳамда ёшларни деструктив маданиятлар таъсиридан асраш бўйича ўтилган маҳорат дарсларида қатнашдилар. Шундай дарслардан бири лидерлик психологиясига бағишланди.

Ҳақиқий етакчи одамлар билан тез ва осон тил топиша олиши ҳамда ҳеч қачон низога бормаслиги кераклигини биласизми? Лидерлар неча турга бўлинишини-чи? Лидерлик билан доминантликнинг фарқини-чи? Ҳа, ҳа, бундай саволлар олдида камдан-кам киши ўз қизиқишини яшира олса керак. Етакчи бўлишга интилаётган ёшларни-ку, асти қўяверинг. Шунинг учун Ўзбекистон Республикаси Президенти ҳузуридаги Давлат бошқаруви академияси доценти, психология фанлари номзоди Иброҳим Маҳмудовнинг маҳорат дарсини бутун аудитория қимирламай эшитди. Бир-биридан қизиқарли маълумотларни битта қўймай ёзиб бораётган ёшлар сафига биз ҳам қўшилдик. Мана, ёндафтарчамиздаги айрим қайдлар: лидер доимо низоларни четлаб ўтишга ҳаракат қилади, у ҳаммаша ҳар қандай вазиятни тўғри баҳолайди, ишни тўғри ташкил эта олади; лидер атрофидаги инсонларнинг ҳам лидер бўлишлари учун шароит яратиш берувчи инсондир. У доминант шахслардан фарқли ўлароқ, бошқаларнинг ташаббус ва интилишларини бўғиш орқали етакчи бўлишга ҳаракат қилмайди; лидерлар орасида интеллектуал, эмоционал (ҳиссий жалб этувчи), ситуатив (вазиятни тўғри баҳоловчи) ҳамда ташкилотчилик фаолиятидаги лидерлар фарқланади.



Азизбек Матназаров, лейтенант, Қарши туманидаги ҳарбий қисмнинг «Камолот» ЁИХ бошланғич ташкилоти етакчиси

«Камолот» билан кўп йилдан бери биргामан. Дастлаб Жиззах олий ҳарбий авиация билим юртида ўқиган кезларимда Ҳаракатнинг бошланғич ташкилоти етакчиси бўлиб фаолият юритдим. Ҳарбий қисмда ҳам мени етакчи этиб сайлашди. Форумда биринчи маротаба иштирок этяпман. Бу ерда ўзимга ўхшаган ўнлаб ёшлар, ташаббускор етакчилар билан танишдим, ҳамфикр, ҳамсуҳбат бўлдим. Форумга тажрибали тренерлар таклиф этилганидан хурсандман. Улардан фойдали нарсаларни ўргандик. Айниқса, ёшлар билан ишлаш психологиясига бағишланган маҳорат дарси менга маъқул бўлди. «Энг намунали бошланғич ташкилот» кўриктанловининг республика босқичида диплом билан тақдирландим. Бу ҳам ёмон натижа эмас. Муҳими, форумдан ҳарбий қисмга янада ишчанлик кайфиятида қайтапман. Бу ерда олган билим ва тажрибани келгуси фаолиятимда, албатта, татбиқ этишим керак.

Тақдимотлар, таклифлар ва саҳна кўринишлари

Форумнинг биринчи кунидан 140 нафар етакчи олтига гуруҳга бўлинди. Умуман олганда, мазкур лойиҳанинг яна бир ўзига хослиги ҳам шунда. Форумда бир-бирини яхши танимайдиган ёшлар жамоа бўлиб ишлаш асносида ўзаро дўстлашадилар ҳамда бир пайтнинг ўзида фикр ва тажриба алмашиш имкониятига эга. Бу сафар ҳам шундай бўлди. Бироқ энди етакчилар олдига қўйилган вазифа янада мураккаблашди. Яъни ҳар бир гуруҳ ўзига ном, шиор ва логотип ўйлаб топиб,

кичик тақдимотини ўтказишдан ташқари, бошланғич ташкилот иш режасига киритилиши мумкин бўлган лойиҳалар бўйича ўз таклифларини ишлаб чиқиши, «Энг намунали бошланғич ташкилот» танлови учун тақдимотлар тайёрлаши, «Заковат» интеллектуал ўйинида қатнашувчи билимдонлар жамоасини шакллантириши ва эътибор беринг, бошланғич ташкилот фаолиятини акс эттирувчи саҳна кўринишини тайёрлаб, намойиш этиши керак эди. Ташкилотчиларга қойил! Ахир, бун-

дай топшириқлар билан банд қилинган форум иштирокчилари бирор дақиқаям бўш қолмагани аниқ-ку. Натижаси ҳам шунга яраша.

Бошланғич ташкилот иш режасига таклифларни етакчилар амалий машғулотлар давомида ишлаб чиқишди. Гуруҳларда кечган жонли мунозарани сўз билан ифодалаш қийин. Бу жараёни кўриш керак. Етакчилар фақат лойиҳалар билан чекланди, деб ўйлайсизми? Адашасиз! Амалий машғулотларда бир қатор долзарб ма-

салалар ҳам ўртага ташланди. Хусусан, ишлаб чиқилган таклифлар орасида коллеж битирувчиларини ишга жойлаштиришда бошланғич ташкилотнинг ролини ошириш, ёшларнинг муаммолари, таклиф ва истакларини ўрганиш бўйича ижтимоий сўровлар ўтказиш, эрта турмуш ва қариндошлар ўртасидаги никоҳнинг олдини олишга қаратилганлари бор. Айтганча, «Таклиф ва ташаббуслар» танловида фаол иштирок этган етакчилар ҳам эътиборсиз қолмади. Улар махсус диплом билан тақдирландилар.

Бошланғич ташкилот фаолиятига оид саҳна кўринишлари форум доирасидаги, эҳтимол, энг ноодатий тадбир бўлди, десак, адашмаймиз. Саҳна

кўринишини яратиш иштирокчиларга қанчалик завқ бағишлаган бўлса, шунчалик меҳнатни талаб қилди. Бир қарашда, барчага таниш мавзу. Ахир, бошланғич ташкилотдаги фаолият ҳар бир етакчи кундалик фаолиятининг ажралмас қисмига айланган-ку. Шундай, аммо саҳнада гуруҳлар бошланғич ташкилотдаги мавжуд муаммоларни ҳам, таклифларини ҳам бадий йўсинда кўрсатиб беришлари керак эди. Мана буниси энди бироз мураккаб масала. Хуллас, саҳна кўринишини тайёрлагунча кимдир ўзини актёр сифатида синаб кўрган бўлса, бошқа биров режиссура ва сценарийнавислик бобидаги маҳоратини ишга солди.



Етакчи сифатида фаолият бошлаганимга бир йил бўлди. Корхонамизда 1,5 мингдан зиёд ёш ишчи ва ходим Ҳаракатнинг бошланғич ташкилотига аъзо. Уларни бирлаштириш, қизиқишлари бўйича турли лойиҳаларга жалб этиш осон эмас. Форумда қатнашиб, бу борада тажриба орттирдим. Бизга ўтилган маҳорат дарслари ҳамда амалий машғулотларнинг самараси катта бўлишига умид қиламан. Чунки машғулотлар давомида айнан иш фаолиятимизда асқотадиган янги билимлар, маълумотлар берилди. Мен спортга қизиқаман. Шунинг учун форум давомида ўтказилган барча спорт мусобақаларида фаол қатнашдим ва диплом билан тақдирландим. Гуруҳларда ишлаб, янги лойиҳалар яратдик. Бу ҳам тажрибамизни оширишга хизмат қилди. Келаси йилги форумда, албатта, қатнашиш ниятидаман.



Хуррият Мирзақандова, «Қизилқумцемент» ОАЖдаги «Камолот» ЁИХ бошланғич ташкилоти етакчиси

Форумнинг сўнгги аккорди

Бу, шубҳасиз, «Энг намунали бошланғич ташкилот» кўриктанловининг республика босқичи ғолибларини тақдирлаш маросими бўлди. Танлов ҳеч кимни — иштирокчиларнинг чиқишларини максимал равишда холисона баҳолашга ҳаракат қилган ҳайъат аъзоларини ҳам, беллашувда иштирок этган етакчиларни ва ҳатто, ташкилотчиларни ҳам бефарқ қолдирмади.

Танлов натижалари қуйидагича:

1-ўрин — Умида Гофурова, Фарғона нефтни қайта ишлаш заводидаги «Камолот» ЁИХ БТ етакчиси.

2-ўрин — Мақсуд Нўмонов, Навоий кон-металлургия комбинатига қарашли Навоий вилояти уй-жой коммунал бошқармасидаги «Камолот» ЁИХ БТ етакчиси.

3-ўрин — Азиз Муҳиддинов, Андижон вилоятидаги «O'z Erae Climate Control» қўшма корхонасининг «Камолот» ЁИХ БТ етакчиси.

Фаол иштироки учун Анвар Каримов («Шўртангазим» мажмуаси, Қашқадарё вилояти), Музаффар Собиров («Урганчтрансгаз» шўъба корхонаси, Хоразм вилояти), Муҳаммад Абдуллаев (Муллақирғиз мадрасаси, Наманган вилояти), Дониёр Расулов («GM Uzbekistan» қўшма корхонаси, Андижон вилояти), Гулчехра Эгамбердиева (Наманган шаҳар тиббиёт бирлашмаси), Азизжон Эшпўлатов (Бектемир тумани давлат солиқ инспекцияси, Тошкент шаҳри), Раҳимбек Рустамов (Ширин шаҳридаги ҳарбий қисм, Сирдарё вилояти) каби тенгдошларимиз ҳам тақдирланди.

Наргиза УМАРОВА, «Turkiston» муҳбири.
Сардор Муллажонов олган суратлар

Ўқувчиларнинг мақсади ягона

Бугунги куннинг ёшлари олий таълим даргоҳига бормасдан туриб турли соҳага оид билимлардан хабардор бўлиши мумкин. Ҳатто халқ хўжалигидаги турли мутахассисликлар учун яхшигина кадр бўлиб хизмат қила олади. Чунки касб-хунар коллежларида олиб борилаётган таълим-тарбия ишлари бу фикримизни исботлай олади. Бугунги коллежни битирган ўқувчи ветеринар ё агроном, фермер ё бухгалтер, модельер ё компьютер устаси, хуллас, ижтимоий ҳаётимиз учун зарур мутахассис сифатида хизмат қилмоқда. Кўпгина жойларга борсангиз, ана шундай жараённинг гувоҳи бўласиз. Айниқса, коллежлардаги бугунги шароит ва аҳвол йилдан йилга яхшила-ниб бораётганини, ўқувчи ва ўқитувчи масъулия-ти ошаётганини кўриб қувонади киши.

Бахмал қишлоқ хўжалиги касб-хунар коллежи 2000 йилда очилган. Ушбу коллеждан бугунги кунгача қанчадан қанча ёшлар учирма бўлди, олий таълим муассасаларига кирди. Кўпчилиги коллежда олган мутахассислиги бўйича ишламоқда.

Коллеж «Япония халқаро ҳамкорлик банкнинг UZB-6 имтиёзли кредит асосидаги ўрта махсус касб-хунар таълимини ривожлантириш лойиҳаси» томонидан 1 миллиард 200 миллион сўмлик жиҳоз билан таъминланган. Шундан 890 миллион сўмлик жиҳоз «Қишлоқ хўжалиги маҳсулотларини қайта ишлаш ва сақлаш» кичик цехига ажратилган. Фан хоналари лаборатория жиҳозлари билан тўлиқ таъминланганки, бундан ўқувчилар мамнун. Автомобиль, трактор жиҳозлари мавжуд. Айниқса, чилангарлик, пайвандлаш ўқув устахонаси, автотракдром ўқув

майдонлари доим ўқувчилар билан гавжум.

Ўқув амалиётини тўлақонли ўтказиш, ҳар бир ўқувчини амалиётга тўлиқ жалб этиш мақсадида туман ҳудудидаги ишлаб чиқариш корхоналари, ташкилотлар ҳамда хусусий тадбиркорлар билан уч томонлама шартномалар имзоланган. Ушбу шартномалар асосида ўқув ҳамда ишлаб чиқариш амалиётлари самарали ташкил этилди. Ҳозирда улар тумандаги қишлоқ ва сув хўжалиги бошқармаси, туман фермер хўжаликлари, туман ИИБ, халқ таълими муассасалари фаолиятини методик таъминлаш ва ташкил этиш бўлими, газ таъминоти корхонаси, туман банклари ва хусусий тадбиркорлар қўлида иш ўрганишмоқда.

— Коллеж ҳовлисида ободонлаштириш ишларини ташкил этганмиз. Бунинг учун ободонлаштириш тадбирлар иш режа-

си ишлаб чиққанмизки, бунда ҳар бир ўқитувчи учун алоҳида ҳудуд ажратилган ва унга масъуллар белгиланган, — дейди коллеж директорининг маънавий-маърифий ишлар бўйича ўринбосари Манзура Норқўзиёва. — Худудга 25000 туп қаламча экиш режалаштирилган эди. Шу кунга қадар 20255 туп қаламча экилди. 1350 туп мевали ва манзарали кўчат ўтказиш режалаштирилган бўлса, ҳозирги кунда 12435 туп кўчат экилган.

Таълим самарадорлигини оширишда ахборот-ресурс марказларининг аҳамияти жуда катта. АРМга кирганимизда, бу ер ўқувчилар билан гавжум эканлигига гувоҳ бўлдик.

— АРМ 9099 нусхадаги китоб фондига эга. Олтига компьютер, қирқ ўринга мўлжалланган ўқув зали мавжуд, — дейди коллеж АРМ раҳбари Зайнаб Абдувалиева. — Компьютерлар «Ziynet» ва интернет тармоғига уланган. Ундан ўқитувчи ва ўқувчилар мунтазам равишда фойдаланиб келишмоқда. АРМда етти киши ишлаймиш. Шундан тўрт нафар ходим ТАТУда малака ошириб келган бўлса, икки нафар ходим Жиззах давлат педагогика институтида ахборот кутубхоначиси мутахассислиги бўйича ўқиб келди. Мухим саналар муносабати билан ўтказилган тадбирлардан ташқари, гуруҳлар ўртасида ўқув адабиётларидан фойдаланиш бўйича мусобақалар ўтказиб тураемиз. «Энг яхши китобхон гуруҳ», «Энг яхши китобхон оила», «Энг яхши деворий газета» каби танловларимиз ана шулар сирасидан.

Коллежда ўн битта умумтаълим фанидан ҳамда еттита спорт туридан тўғарақлар фаолият



Kasb-hunar maskanlarida

кўрсатади. Бундан ташқари, қизиқувчилар тўғараги ҳам ишлаб турибдики, ёш автомобилчи, ёш механизатор, ветеринария, моҳир чевар қизлар деб номланган тўғарақларга барча қизиқувчилар жалб қилинган. Улар нафақат фан бўйича билимларини, балки касбий таълим бўйича ҳам кўникмаларини ошириб борадилар.

— Ҳозирги кунда коллежда компьютер ва компьютер тизимларини сошлаш ва таъмирлаш техникни, кенг асортиментдаги кийимлар модельер-конструктори, қишлоқ хўжалиги маҳсулотларига ишлов бериш ва сақлаш технологияси, транспортларда ташиш ва бошқаришни ташкил этиш каби ўн тўртта йўналиш бўйича 847 нафар ўқувчи таҳсил олмақда, — дейди коллеж директори Мамат Эшманов. — Коллежнинг умумий ер майдони етти гектар бўлиб, ўқув корпуси беш юз эллик ўринга мўлжалланган. Юз ўринли ошхона, юз ўринли спорт зали, қирқ ўринли кутубхона ва бир юз эллик ўринли фаоллар зали ва стадион ўқувчилар учун ҳар доим шай. Коллежнинг ўттиз олти нафар ўқитувчи ва муҳандис-педагоглари ўқувчиларга фан ва касб сирларини астойдил ўргатмоқда.

— Жорий йилнинг 19-24 август кунлари Тошкент вилояти

Бўстонлик туманида бўлиб ўтган бошланғич ташкилотлар етакчилари форумида қатнашиб келдик, — дейди коллеж «Камолот» ЁИХ бошланғич ташкилоти етакчиси Абдуманнон Жуманов. — Форумда коллежimizда амалга оширган ишларимиз юзасидан ҳисоботлар тақдим қилдик ва фахрли ўринлардан бирини эгалладик. Тадбир таассуротлари ҳақида ўқувчиларга сўзлаб бердик.

Абдуманноннинг айтишича, яқин кунларда ўқувчилар иштирокида Бахмал туманида Обод турмуш йилига бағишланган кинофильм тақдими бўлади. Кинофильмнинг асосий мазмуни ўқувчиларнинг давомати пастлиги ҳақида. Демак, дарсларни бесабаб қолдирмаслик, дарсларда фаол қатнашиш ўқувчиларнинг ягона мақсадига айланган.

Бугунги ўқувчини эртанги мутахассис сифатида тасаввур қилар эканмиз, коллежларга кириб, ўз келажагини белгилаб олаётган ёшларни кўриб, таълим-тарбия ишларининг яхши йўлга қўйилаётганини англаймиз. Коллежлар ёшларимизнинг келажагини белгилайдиган табаррук масканга айланиб бораётганидан кўнглингиз янада равшан тортади.

Шоди ОТАМУРОД,
«Turkiston» мухбири

Iffixor

Она юрт тимсоли

Биз давлатимиз байроғини азиз ва муқаддас билиб қадрлаймиз, кўкларга кўтарамиз. Чунки у Ватанимиз тимсоли ва рамзидир.

«Ўзбекистон Республикасининг Давлат байроғи тўғрисида»ги қонун қабул қилинганидан буён бу сани байрамона тарзда нишонлаб келяпмиз.

Шу сана муносабати билан Навоий кончилиқ коллежида «Ватан байроғини асрайлик, ёшлар!» мавзuida адабий-музикавий тадбир бўлиб ўтди.

Тадбирда дастлаб Ўзбекистон мадҳияси янгради, сўнг коллежнинг маънавий-маърифий ишлар бўйича директор ўринбосари Гулшера Шағатаева мусаффо осмонимиз узра ҳилпираб турган байроғимиз ҳақида мароқли сўзлади.

Ўқувчилар ижросида давлатимиз рамзларига маҳорат билан таъриф берилди. Тадбир режиссёри, хонанда Тохир Ҳамидовнинг ватан васфини тараннум этувчи қўшиқлари, болажонлар талқинидаги шеърий гулдасталардан Ватанга бўлган меҳр ифорлари таралди.

— Тадбирни коллежнинг ижтимоий фанлар кафедраси ўқитувчилари Мўътабар Расулова, Насиба Нурмуродова, Дилфуза Арзиева билан ҳамкорликда тайёрладик, — дейди коллеж ахборот-ресурс маркази раҳбари Роҳила Норматова. — Бундай тадбирлар ёшларда она-Ватанга, унинг рамзларига бўлган меҳр-муҳаббат туйғуларини янада кучайтиради. Ўқувчиларимизнинг бу тадбирда қатнашиш истаги, иштиёқи жуда баланд бўлди, айниқса, шеърларни ёд олиб, ифодали ўқийётган ёшларнинг ҳис-ҳаяжони беихтиёр бошқаларга ҳам кўчди. Буни юрак-юракдан ҳис қилиб, фахрланасан, киши.

Ҳакима ДАВРОНОВА,
Навоий кончилиқ коллежи
ахборот-ресурс маркази ходими

E'lon

ЖАҲОН ИҚТИСОДИЁТИ ВА ДИПЛОМАТИЯ УНИВЕРСИТЕТИ



1. Халқаро иқтисодий муносабатлар ихтисослиги бўйича инглиз тили кафедраси ўқитувчиси (1 та ўрин);
2. Халқаро ҳуқуқ ихтисослиги бўйича инглиз тили кафедраси мудири;
3. Халқаро ҳуқуқ ихтисослиги бўйича инглиз тили кафедраси ўқитувчиси (2 та ўрин);
4. Халқаро ҳуқуқ ихтисослиги бўйича инглиз тили кафедраси профессори;
5. Халқаро муносабатлар ихтисослиги бўйича инглиз

6. Романо-герман тиллари кафедраси катта ўқитувчиси;
7. Романо-герман тиллари кафедраси ўқитувчиси (2 та ўрин);
8. Шарқ тиллари кафедраси ўқитувчиси (2 та ўрин);
9. Ўзбек тили кафедраси катта ўқитувчиси;
10. Рус тили кафедраси катта ўқитувчиси;
11. Рус тили кафедраси ўқитувчиси

лавозимларига танлов эълон қилади.

Хужжатлар (ариза, фотосуратли шахсий варақа, таржима ҳол, олий маълумот, илмий даража ва унвонлар ҳақидаги дипломларнинг нусхалари, илмий ишлар рўйхати) ушбу эълон чоп этилган кундан бошлаб бир ой муддат ичида

Тошкент шаҳри,
Мустақиллик — 54
манзилида қабул қилинади.
Телефон: 267-65-40

Ўзбекистон Осиё чемпионатида!

Футбол бўйича Ўзбекистон миллий терма жамоаси 19 ноябрь куни Гонконг терма жамоасини сафарда 2:0 ҳисобида мағлуб этиб, 2015 йил Австралияда ўтказиладиган Осиё чемпионатига йўллангани муддатидан олдин қўлга киритди.



Ўйинда терма жамоамиз тўлиқ устунлик қилди. Кейинги пайтларда футболчиларимизга қарши ўйинларда ҳимояда ўйнаб, ўзлари учун маъқул натижага эришиб келаётган майдон эгалари кечаги сафар ҳам шундай тарзда ҳаракатланди. Мақсад яна ўша — дурангга эришиб, очко ишлаш бўлган бўлса, ажаб эмас. Аммо гонконгликларнинг ҳимоявий услуби бу гап фақат 80 дақиқагина иш берди. Ўзбекистонлик футбол усталари ўйиннинг

сўнги ўн дақиқасида мезбонлар дарвозасига иккита тўп йўллади. 83-дақиқада Ислом Тўхтаўжаев жарима майдонига шиддат билан кириб бориб, икки рақибини ортда қолдириб зарба бермоқчи бўлди. Бироқ тўпни тепишга ундан кўра Воҳид Шодиев қулайроқ позицияда турган эди ва у бу имкониятдан унумли фойдаланди. Зарба ва гол!

Ҳисоб очилгач, шу пайтгача вақтни чўзишга мойил бўлиб турган майдон эгалари ҳам озроқ жонлан-

Xushxabar

гандай бўлишди ва бир-икки марта хавфли вазиятни юзага келтиришди. Бироқ Игнатий Нестеров жароҳат олгач, унинг ўрнини билдирмасликка интилаётган дарвозабонимиз Элдорбек Суюнов ишончли ҳаракат қилиб, гонконглик ҳужумчиларга гол уриш имконини бермади.

Ўйин 0:1 ҳисобида якунланадигандек туюларди. Лекин 88-дақиқада Одил Аҳмедов ўйиндаги ўзининг чамаси бешинчи зарбасини йўллади. Ундан аввал гоҳ дарвозабон тўпни қайтарар, гоҳ Одилнинг ўзи мўлжалда адашар, ҳуллас, терма жамоамиз етакчисига гол уриш насиб этмайроқ турган эди. Интилганга толе ёр, деб шунга айтсалар керак-да, моҳир ярим ҳимоячимизнинг меҳнати ўйин тугашига санокли дақиқалар қолганда ўз самарасини берди. Чап қанотдан узатиб берилган тўпни Аҳмедов дарвозага кучли зарб билан жойлаштириб қўйди. Айтиш мумкинки, Одилнинг бу голидан сўнг стадиондаги мухлислар ва телевизор орқали ўйинни кузатиб турган миллионлаб юртдошларимиз қалбида жамоамизнинг Осиё чемпионатида чиқиши борасида ҳеч қандай шубҳа қолмади.

Терма жамоамиз ўрин олган «Осиё кубоги — 2015» саралаш босқичи «Е» гуруҳидан, шунингдек, Бирлашган Араб Амирликлари терма жамоаси ҳам қитъа чемпионатида йўлланма соҳиби бўлди.

Элмурод НИШОНОВ,
«Turkiston» муҳбири

Mutaxassis ogoh etadi

ти олишига сабаб бўлиши ҳеч гап эмас.

Кишилар кўпқаватли уйлар атрофига ўзларича турли тўсиқларни қурмасликлари, бунинг оқибатларини яхши тушуниб олишлари керак. Бу билан ўзларини ҳам, қўшнилари ҳам ўт балосидан асрашга кўмаклашган бўладилар.

Файрат МУТАЛОВ,
ИИБ ёнги хавфсизлиги бош бошқармаси катта муҳандиси, майор

Nafis tuyg'ular

Саида Насимхонова «Чуст ҳақиқати» газетаси қошида ташкил этилган «Ёш ижодкорлар» тўғараги қатнашчиларига бадиий адабиёт сирларидан сабоқ беради. Шеърятнинг сеҳрли оламидан завқланиб, ўзи ҳам шеърлар ёзади.

Куйида ҳавола этиладиган тўртликлардан ташкил топган шеърый гулдастани сиз, мухлисларга ҳам илиндик.

ЯХШИЛИК ҚИЛ, ЯХШИЛИК — ЗИЙНАТ

*Ўксиган кўнглини чўқтирма, кўтар,
Дилларга беҳуда етмасин озор.
Умр ўлчовлидир,*

ўтару кетар,

Эзгуликка қул бўл,

бўлма дилозор.

*Буюқдирсан, буюқлигинг ҳақиқат,
Ноб ё дурсан,*

асли нурафшон хилқат.

*Фариштасан, малакдирсан, эй, аёл,
Эзгу тилақларим*

сенгадир фақат.

*Ёмон касдан чиқар доим ёмонлик,
Ёмонга ёндашма, сочса ҳамки зар.
Бориндан айрилиб, рангинг сомондек
Бўлиб, афсус чекма, дея алҳазар.*

*Бошинг кўкка етса улугликдан гар,
Камтарин бўлгину ҳеч манман бўлма.
Атлас кийганда ҳам ҳар лаҳза, ҳар вақт,
Илк кийганинг — оддий бўзни унутма.*

*Соат милларининг чиқ-чиқларига,
Жимгина ўтириб қулоқ тутаман.
Баҳорда не эккан бўлсам, баридан
Кеч кузак чоғида ҳосил кутаман.*

*Яхшилик қил, яхшилик — зийнат,
Эл-юрт учун яшагин ҳар он.
Қуёш нур сочади беминнат,
Сен ҳам мурувватли бўл, инсон.*

*Борлиққа кўрк бериб келинчақлардай,
Серзавқу сержило баҳор куйлайди.
Худди шуни илҳақ кутиб тургандай,
Севги куртаклари аста гуллайди.*

*Авалло, ўзингни ўзинг ҳурмат қил,
Қадрингни хор қилиб урмагин ерга.
Бироқ ўзингни эр, ўзгани шер бил,
Камтарлигу мардлик фазилат сенга.*

*Мухаббат гўё бир бахт хазинаси,
Ошиқ бўлганларнинг узун қўллари,
Ва лек равон эмас ҳаёт йўллари,
Ўзига яраша бор сўқмоқлари.*

Саида НАСИМХОНОВА



Энг қиммат арча

Япониянинг Токио шаҳрида нархи 500 миллион иена (беш миллион АҚШ доллари)лик янги йил арчаси ясалди.

Арча олтин ва олмослар билан безатилган. «Tanaka Kikinzoku» компанияси томонидан ясалган арчада Винни Пух, Микки Маус каби тилладан ясалган ўйинчоқлар ҳам мавжуд. Янги йил арчасининг чироқлари ҳам махсус буюртма асосида ясалди. Бўйи 2,4 метр, оғирлиги 43 килограмм бўлган бу арча йил сўнгида савдога чиқарилиши маълум қилинди.

Барибир футболчи-да

«Манчестер Юнайтед» футбол клубининг собиқ бош мураббийи Алекс Фергюссоннинг «Менинг таржимаи ҳолим» деб номланган китобидан ўқувчилар қирқ бешта хато топди.

Китобни чоп этган нашриёт бу хатоларга муаллифнинг ўзи ҳам қисман айбдорлигини, хоҳловчилар китобни қайтарса, пули қайтариб берилишини маълум қилган. Хатолар, асосан, саналар билан боғлиқ. Масалан, китобда Райан Гигзнинг учрашувдаги дебюти 16 ёшда бўлган, деб ёзилган. Аслида, 17 ёшида Гигз жамоа сафида майдонга тушган. Яп Стамни «Рома»га сотилган, деб хато ёзган ҳам Фергюссоннинг ўзи. Аслида, Стамни «Лацио»га сотилган эди. 22 октябрда сотувга чиқарилган китоб бир ҳафтада 115 минг 547 донга сотилиб, бестселлер бўлиб кетган эди.

Ажабтовур қарздорлик

Норвегияда ижарага бериладиган қабр тошлари пули тўланмагани учун, мрамор тош устига қора матодан бўлган қоқ кийгизиб кетила бошланди.

Қоқ устига марҳумнинг яқинлари тўлаши керак бўлган сумма кўрсатилган. Қоқ махсус ип билан чирмаб ташлангани боис, уни ечиш осонмас. Едгорлик тошларни ижарага берувчи фирмалар сўзига кўра, фақат шу йўсинда қарзларни ундириб олиш мумкин. Норвегия қабристонларидан баъзи мижозларнинг йигирма йиллик қарзи ҳам мавжуд. Мамлакатда дафн маросимидан кейин 25 йилгача қабртошлар текинга тақдим этилади. Муддат тугагандан кейин йилига 518 Норвегия крони (тахминан 84 АҚШ доллари) ижара пули тўланади. Мамлакатдаги Берген университети профессори Тор Ойвен Йенсен бунга қарши чиқиб, номақбул лойиҳа, дея баҳолади. Ҳукуматдан бунга чек қўйишни талаб қилди.

Хавфсизлик барчасидан муҳим

Швецияда жойлашган «Ice Hotel» муз меҳмонхонасига ёнгина қарши сигнализация ўрнатилади.

Меҳмонхона тўлиқ муздан қурилган. Шу вақтга қадар ёнгин муаммоси чиқмаган. Бироқ меҳмонхонада тез ёнувчи, ёнишга мойиллиги бирмунча юқори бўлган мато ва буюмлар талайгина. Шу сабаб ёнгин хавфсизлиги хизмати муурожаати билан меҳмонхона тез орада ўт ўчириш ускуналари билан таъминланади. Меҳмонхона ҳар йили 6 декабрдан 13 апрелга қадар сайёҳлар ихтиёрида бўлади. Муз меҳмонхонанинг бир хонаси ижара пули 368 АҚШ доллари билан 1452 АҚШ доллари қадар белгиланган.

Интернет манбалари асосида
Жавоҳир КАРОМатов тайёрлади



Sening tengdoshing

Sport

Ҳамюртимиз муваффақияти

Хитойнинг Шанхай, Нанкин, Фучжоу шаҳарларида ўтказилган велопойга мусобақалари ўз ниҳоясига етди.

Мусобақада юртимиз шарафини Руслан Каримов, Вадим Шайхов, Владимир Тўйчиев, Глеб Горбачёв, Юсуф Абреков каби терма жамоамиз вакиллари (мураббий Владислав Искандаров) муносиб ҳимоя қилишди. Уч босқичда ўтказилган «Tour of Fuzhou» пойгасида бир неча халқаро мусобақалар ғолиби, ҳамюртимиз Руслан Каримов биринчи босқичда учинчи ўрин ва учинчи босқичда иккинчи ўринни қўлга киритди.

Автопойга ғолиблари

Пскентда автомобиль халқ пойгаси бўйича Ўзбекистон чемпионати бўлиб ўтди.

«Жанубий» автополигонда бўлган мусобақада қирқ нафар спортчи иштирок этди. Пойга уч турда — А-8-1600, А-9-2000 ҳажмли ва миллий автомобиллар ўртасида бўлиб ўтди. Қизгин кечган баҳсларда Рустам Маматқулов, Жаҳонгир Ёрматов ва Рустам Муҳамедовнинг қўли баланд келди. Ғолиблар ва мусобақа иштирокчилари эсдалик совғалар билан тақдирланди.

Жавоҳир КАРОМАТОВ,
«Turkiston» муҳбири

Саййидамрхон Бузруkhoнов 2-синфда ўқийди. Мана, икки йилдирки, пойтахтимизнинг Мирзо Улуғбек туманидаги «Баркамол авлод» болалар ижодиёти марказида бадий куллолик ва ҳайкалтарошлик сирларини ўрганмоқда.

— Устозимиз Ашурмуҳаммад Мамасолиев билганларини биз, ёшларга ўргатишдан сира чарчамайди,

— дейди Саййидамрхон. — Шунинг учун ҳар бир машғулотни кунт билан ўрганишга, берилган вазифаларни сидқидилдан бажаришга ҳаракат қиламиз.

СУРАТДА: С.Бузруkhoнов ўзи ясаган куллолик намуналари билан.

Сардор МУЛЛАЖОНОВ фотолавҳаси

АЖДОДЛАР МЕРОСИНИ ЎРГАНАМИЗ

Хоразмий номини эшитганда ҳаёлимизга жуда кўп машҳур олиму фозиллар, шоиру адиблар келади. Алгебрага асос солган Муҳаммад ибн Мусо Хоразмий, ўнинчи асрда яшаб ижод қилган мутафаккир шоир Абу Бакр Хоразмий, яна шу тахаллус билан ижод қилган бошқа шоиру адиблар... Улар орасида яна бир машҳур ном бор: у — ўзи яшаган ўнинчи асрнинг энг пешқадам олимларидан бири Абу Абдуллох Хоразмийдир.

Бу улуг ватандошимиз умри мобайнида кўплаб асарлар битган бўлса-да, бизгача етиб келган ягона асари «Мафотиҳул-улум» — «Илмлар калитлари»дир. Бу асар унинг табиий ва аниқ фанларни пухта билгани, ўзига хос фалсафий қарашларга эга етук олим бўлганини кўрсатиб туради. Мазкур қомусий асар ўз даврининг асосий фан соҳаларини ўз ичига қамраб олгани ҳам олимнинг етук салоҳиятидан дарак беради.

НАҚ СПОРТ МАШИНАСИ!

Жониворлар ичида энг тез югурадигани қайси? Гепард. Бу йиртқич соатига 115 километр тезликда чопа олади. Энг ҳайратланарлиси, бу унинг бошланғич тезлиги. Ўқиб, ў, бу «Феррари»дан ҳам тез эканку, дейсиз. Гепард 2 секунд ичида тезлигини 75 километр/соатга етказа олади.

YON DAFTARCHANGIZGA

Заргар фирибгар бўлса, олтин занглар.

Ўзбек халқ мақоли

Шоҳсанам ўзига маъқул ишни топди

Қарши шаҳридаги «Болалар» маданият ва истироҳат боғида Қарши шаҳар ҳокимлиги, шаҳар прокуратураси, шаҳар ички ишлар бўлими ҳамда шаҳар бандликка кўмаклашиш ва аҳолини ижтимоий муҳофаза қилиш маркази ҳамкорлигида бўш иш ўринлари ярмаркаси ўтказилди. Унда саноат ва кичик бизнес корхоналари, тикувчилик, тўқув ва кийим-кечак фабрикалари ҳамда қатор нодавлат ва нотижорат ташкилотлар вакиллари ёшларни ўз бўш иш ўринлари билан таништирдилар.

— Бизнинг юздан ортиқ ишчига эҳтиёжимиз бор, — деди Қарши шаҳридаги «Cotton Road» МЧЖ шаклидаги Ўзбекистон — АҚШ қўшма корхонаси ходими

Руслан Бердиев. — Ишга қабул қилинган ёшлар ўз қобилиятига қараб, корхонамиздаги ип йигирув, тўқув, трикотаж ҳамда бўёқ ва пардозлаш, шунингдек, тикув

целларига йўналтирилади. Ип йигирувчи, механик, мастер, дастгоҳ тозаловчи, оператор, тикувчи, бичувчи ва дастгоҳларни бошқарувчи мутахассислар керак. Ҳозирча бир нечта ёш мутахассис билан келишувга эришдик.

Ишлайман, деганга ҳамма жойда иш топилади. Хўш, тенгдошларимизнинг фикри қандай? Улар иш танлашда қайси мезонларга таянишмоқда?

— Тикувчилик касбига қизиқаман, — дейди касбухунар коллежи битирувчиси Шоҳсанам Шаҳиддинова. — Ишга жойлашишда, албатта, мен учун биринчи галда ўзимнинг қай даражада

ишимни пухта билишим муҳимдир. Қолаверса, бўлажак иш жойимдаги шароитлар ҳам мени қизиқтиради. Ярмаркада ўзимга маъқул иш жойини топдим. Кийим-кечак ишлаб чиқариладиган «Санам» масъулияти чекланган жамиятида мен истаган ҳамма нарса бор экан. Ундаги шароит, маош, ёшларга эътиборнинг кучлилиги мени ўзига тортди.

Шоҳсанам сингари кўплаб тенгдошларимиз ярмаркадан ўзларига маъқул иш ўринларини топди.

Ақбарали ХУДОЙБЕРДИЕВ

Қиммат-баҳо тош тури	«Кавказ ...си» б/ф	Онг, шуур	Очун, дунё	Томоқ, кекирдик	Христофор... (сайёх)	Орзу-хавас	Ушбу, шу	АҚШ валюта-таси	Бўйи паст, лилипут
Москва-лик аҳоли			Қатар пойтахти						
		Адолат (қисқача)		Сабур	Хайф, натижасиз	Юк автоси		... сонда	Хилоф, қарама-қарши
Тилла, кумуш				Бармоқ тақинчоғи			Бильярд тешиғи		
		Жилга, дарё манбаси	Хўл мева тури			Ини (шевада)		Қуш уяси, ошён	
Ўғил бола исми				Уятсиз, орсиз			Украина парламенти		

Тузувчи: Фахриддин Раҳимов